

ओ रुणिचे रा राजा,
धोरा धरती में सुन्दर देवरो,
धोरा धरती में सुन्दर धाम बण्यो,
रुणिचे रा राजा,
धोरा धरती में सुन्दर देवरो ॥

अरे निलो घोडो नवल को ज्यारे,
मोतिया जडी रे लगाम,
अरे जिण पर बेठा रामदेव जी,
कलयुग रा अवतार जी,
रुणिचे रा राजा,
धोरा धरती में सुन्दर देवरो ॥

हे रामा कहुं के रामदेव जी,
हीरा कहुं के लाल,
अरे ज्याने मिलिया रामदेव जी,
पल में किन्हा निहाल जी,
रुणिचे रा राजा,
धोरा धरती में सुन्दर देवरो ॥

अरे हरजी ने तो हर मिल्या जी,
आडे मारग आय,
हो प्रभु घुमण ने घोडो दियो जी,
दुध पिवण ने गाय जी,

रुणिचे रा राजा,
धोरा धरती में सुन्दर देवरो ॥

अरे पिछ्छम धरा रा बावजी रे,
म्हारा रामाराज कंवार,
सांचा मन सुं जो कोई ध्यावे,
पुरे मन री आश जी,
रुणिचे रा राजा,
धोरा धरती में सुन्दर देवरो ॥

हो रामा सामा आवजो रे,
कलयुग भयो रे करुर,
अरज करुं अजमाल रा जी,
हैलो सांभलो हुजुर जी.
रुणिचे रा राजा,
धोरा धरती में सुन्दर देवरो ॥

अरे हरजी भाटी री विणती जी,
सुणजो रामा कंवार,
दर्शण दिजो किरपा किजो हे,
मोटा थे दातार जी,
रुणिचे रा राजा,
धोरा धरती में सुन्दर देवरो ॥

ओ रुणिचे रा राजा,
धोरा धरती में सुन्दर देवरो,
धोरा धरती में सुन्दर धाम बण्यो,

रुणिचे रा राजा,
धोरा धरती में सुन्दर देवरो ॥

स्वर भगवत सुथार ।
प्रेषक नारायण रेगर,
फोन नंबर 9549365704

Source:

<https://www.bharattemples.com/runiche-ra-raja-dhora-dharti-me-sundar-devaro/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>